

1969 nr. 73 28. maí

Lög um Stjórnarráð Íslands

Tóku gildi 1. janúar 1970. Breytt með l. 12/1986 (tóku gildi 1. jan. 1987), l. 3/1990 (tóku gildi 23. febr. 1990), l. 14/1991 (tóku gildi 4. apríl 1991), l. 83/1997 (tóku gildi 6. júní 1997) og l. 121/1999 (tóku gildi 30. des. 1999).

I. kaffli.

- **1. gr.** Forseti lýðveldisins skipar ráðherra, ákveður tölu þeirra og skiptir störfum með þeim.
- Ráðherrar fara með stjórnarmálefni í Stjórnarráði Íslands, sem hefur aðsetur í Reykjavík.
- **2. gr.** Ráðherrafundi skal halda um nýmæli í lögum og um mikilvæg stjórnarmálefni. Svo skal og ráðherrafund halda, ef einhver ráðherra óskar að bera þar upp mál.
- Málefni, sem bera á upp fyrir forseta lýðveldisins til staðfestingar, skulu áður tekin til meðferðar á ráðherrafundi.
- Forsætisráðherra stjórnar ráðherrafundum.
- **3. gr.** [Forsætisráðherra felur starfsmanni forsætisráðuneytis að gegna störfum ritara ráðherrafunda.]¹⁾
- Ritari skráir fundargerð ráðherrafundar í gerðabók, er ráðherr hafa staðfest fundargerðina.

¹⁾ L. 83/1997, 1. gr.

- **4. gr.** Stjórnarráð Íslands greinist í ráðuneyti, og skulu þau vera þessi: Forsætisráðuneyti, dóms- og kirkjumálaráðuneyti, félagsmálaráðuneyti, fjármálaráðuneyti, Hagstofa Íslands, heilbrigðis- og tryggingarmálaráðuneyti, iðnaðarráðuneyti, landbúnaðarráðuneyti, menntamálaráðuneyti, samgönguráðuneyti, sjávarútvegsráðuneyti, [umhverfisráðuneyti],¹⁾ utanríkisráðuneyti og viðskiptaráðuneyti.
- Ráðuneyti má eigi á stofn setja né af leggja nema með lögum.

¹⁾ L. 3/1990, 1. gr.

- **5. gr.** Þegar skipt er störfum með ráðherrum, skal hvert ráðuneyti óskipt lagt til eins og sama ráðherra.

■ **6. gr. . . .**¹⁾

¹⁾ L. 14/1991, 1. gr.

- **7. gr.** [Ráðherra kveður á¹⁾ um skiptingu ráðuneytis í skrifstofur og starfsdeildir eftir verkefnum.]²⁾

¹⁾ Augl. 251/2006 (um skipulag menntamálaráðuneytisins). ²⁾ L. 83/1997, 2. gr.

- **8. gr.** Stjórnarmálefni ber undir ráðuneyti eftir ákvæðum reglugerðar,¹⁾ er forseti Íslands setur samkvæmt tillögum forsætisráðherra, enda sé þess jafnan gætt, að ráðuneyti lúti mál-efni, sem eðli sínu samkvæmt eiga þar heima, sbr. 4. gr.

- Nú þykir vafi á leika, undir hvert ráðuneyti mállefni heyrir, og sker forsætisráðherra þá úr.

¹⁾ Rg. A 3/2004, sbr. rg. A 118/2006, rg. A 123/2006 og rg. A 125/2006.

- **9. gr.** Ráðuneyti hefur eftirlit með starfrækslu stofnana, sem undir það ber, og eignum á vegum þeirra stofnana.

- [Ráðherra kveður á um aðsetur stofnunar sem undir hann heyrir, nema á annan veg sé mælt í lögum.]¹⁾

¹⁾ L. 121/1999, 1. gr.

II. kaffli.

- **10. gr.** Ráðuneytisstjórar og hagstofustjóri stýra ráðuneytum undir yfirstjórn ráðherra.

- . . .¹⁾

- Ráðuneytisstjóri forsætisráðuneytis skal jafnframt því embætti sínu gegna störfum ritara ríkisráðs Íslands.

- Heimilt er forsætisráðherra að kveða á um, að ráðuneytisstjóri veitti fleiri en einu ráðuneyti forstöðu og að fleiri en eitt ráðuneyti hafi, eftir því sem við verður komið, sameiginlegt starfslið og húsnaði.

- Slíka skipan sem í 5. mgr.²⁾ greinir getur forsætisráðherra afnumið, er nauðsyn krefur, og þá jafnframt ákveðið, hverju þeirra ráðuneyta, sem um er að tefla, ráðuneytisstjóri skuli áfram stýra.

¹⁾ L. 14/1991, 2. gr. ²⁾ Hér er vísað til 3. mgr.

- **11. gr.** [Skrifstofu ráðuneytis stýrir skrifstofustjóri og starfsdeild deildarstjóri undir umsjón ráðuneytisstjóra.]¹⁾

- . . .¹⁾

- [Nú er starfsmaður ráðuneytis ráðinn deildarstjóri og þarf þá eigi að auglýsa stöðuna sem hann er fluttur í.]¹⁾

- Ráðherra setur deildarstjórum og skrifstofustjórum erindiðsbréf, þar sem meðal annars skal kveðið á um starfssvið þeirra og starfsskyldur.

¹⁾ L. 83/1997, 3. gr.

- **12. gr.** Auk ráðuneytisstjóra, skrifstofustjóra og deildarstjóra eru starfsmenn ráðuneyta fulltrúar, bókarar og ritrarar eftir ákvörðun ráðherra. [Heimilt er þó ráðherra að ráða starfsmenn í ráðuneyti undir öðrum starfsheimutum.]¹⁾

¹⁾ L. 83/1997, 4. gr.

- **13. gr.** [Ráðherra skipar ráðuneytisstjóra og skrifstofustjóra til fimm ára í senn.

- Aðrir starfsmenn ráðuneytis eru ráðnir.]¹⁾

¹⁾ L. 83/1997, 5. gr.

- **14. gr.** Ráðherra er heimilt að kveðja sér til aðstoðar, meðan hann gegnir embætti, mann utan ráðuneytis, sem starfi þar sem [skrifstofustjóri],¹⁾ enda hverfi hann úr starfi jafnskjótt sem ráðherra, en njóti þá launa þrjá mánuði, hafi hann ekki áður verið ríkisstarfsmáður, en ella eigi hann rétt á að hverfa til fyrra starfs síns eða annars starfs eigi lakara að föstum launum í þjónustu ríkisins.

¹⁾ L. 83/1997, 6. gr.

- **15. gr.** Með úrskurði forseta Íslands má samkvæmt tillögum forsætisráðherra setja nánari ákvæði um framkvæmd laga þessara.

- **[Ákvæði til bráðabirgða. . . .]**¹⁾

¹⁾ L. 3/1990, brbák.